

重
濟
永
城

縣
志

餘慶署端



卷一
縣志
開

重修永城縣志序

昔朱子守南康下車先求志乘論者謂得爲治要領誠以志也者所以徵文獻垂法戒上稽往古而下示來茲者也慶自庚寅歲來守是邦值咸同兵燹之後郡邑各志多被燬聞有存者亦皆百餘年前舊本志之待修固汲汲乎不可緩矣永城爲郡之屬邑志書散佚歷有年所一之揆章岳君量移來莅慨然有興廢舉墜之志開

永城縣志

序

局採訪重加修訂六越月歲厥事舉二百餘年之廢墜一旦哀然成集蔚爲鉅觀甚盛舉也雖然何其速歟蓋實恃有鄉大夫屏青呂君者預爲采輯藏有底稿又得司訓寅谷胡君爲之彙筆或草荆或潤色相助爲理以贊成岳君興廢舉墜之志而岳君獨能於期會簿書之外留心掌故從事斯文其所爲尤足多者夫豈尋常俗吏之可及哉自茲以往官斯土者得以犁然於

典章之沿革民生之利病因勢利導而有所折衷邑人士亦可緬厥前修借以爲鑒知吏治民風將必有蒸蒸日上者而慶亦竊幸得觀又安之效焉故樂爲之序遂以此弁諸首

賜進士出身

誥授通奉大夫知河南歸德府事葉赫餘慶瑯汀甫序

光緒二十九年癸卯春三月吉日

永城縣志

序

三

重修志序

從來事之可信可徵者必有資於文獻家乘鄉
考猶追源探本借助他山况關一縣之人情風
土尤屬鉅典煌煌乎永志自康熙辛未迄今缺
久未補加以咸同烽火頻驚版籍化爲烏有卽
大家仕族間有殘編斷簡亦不無魯魚亥豕之
訛撫墜緒兮茫茫曷勝一髮千鈞之感幸鄉大
夫呂屏青以京鄉告養賦歸志切闡幽發潛極

永城縣志

序

三

生平之見見聞閭閻邑之形形色色博訪廣採
累牘連篇如是者有年庚子春楷自延津黍牧
斯土詢知補闕拾遺屢經歲月理宜急付棗梨
徒存纂修之志實乏之經緯之才京卿亦主講明
道書院不暇彙輯而以許燕之手筆紹班馬之
心香爲之分門別類朗若列眉董司其成者端
推廣文胡公寅谷一時相助爲理兼有山長朱
公啟運司鐸孔公升甫舉二百餘年之湮沒弗

彰者昭茲來許庶燦然復明揭日月而長新尤
賴邑之搢紳舉生班精爲考校工於繪繕互贊
翊於其間此亦諸君子承先待後之深心所不
留餘力者也 楷自慚譎陋珠雖未嘗探驪名竊
願爲附驥謹序

光緒二十七年辛丑秋九月知永城縣事岳廷
楷謹識

光緒重修志序

邑志自康熙三十六年續修後迄今二百三年人物典故概付缺如又經咸同兵燹舊志板片無存鄉大夫呂屏青京卿中年以養親歸里卽有意於斯徧訪同人有聞卽書如左思之賦三都隨處皆置筆札積十餘年稿片如蝟毛本年夏初邑侯岳公亦慨然欲以成之徂愬京卿京卿適主明道書院之講席未暇兼顧也遂舉十餘年之積稿以受贊采俾爲編次之贊采備員司訓於此土也已六年矣毫無益於同學觀摩之數今徵文考獻司訓者之責也何敢辭爰立凡例分類編輯有案可稽者又廣爲搜羅之續

永城縣志

序

五

訪來報者又核而纂入之燈光日影不間昕宵六閱月而藏事凡有所疑舉賴太康朱啟運先生反復參詳而後定又苦無書人尤賴朱先生督飭諸門人之分繕也書較原志分門益多而不免瑣碎原文不無刪減而深知僭妄後之修此志者其大加筆削斟酌盡善第以斯爲前此之藁本焉可爾

光緒二十七年歲次辛丑秋九月永城縣訓導光州胡贊

示謹識

光緒重修志序

史者所以徵文考獻也古者一國有一國之史一郡有一郡之史一邑有一邑之史士大夫欲識山川道里風俗人物攷與革數典章舍是蔑由矣吾邑虞夏故爲豫州地殷肇跡於商周附封於宋春秋曰大邱戰國爲宋棘亭秦屬碭郡漢改沛郡南之鄆縣北之芒縣皆隸焉後漢改曰臨睢曰大邱曰龍亢隋始併諸縣置永城治在皖徐之間金元時疊罹兵燹文獻無徵明隆慶秦君時雍始創爲志

國初聘賈君開宗重修加詳嗣周侯正紀續修之耿侯晉光再修之溯康熙三十五年逮今二百餘禩闕修其間疊

永城縣志

序

六

遭粵逆皖匪之亂舊家逃亡人民離散版章典籍蕩然無存良可慨也不佞告養歸里瞿然滋懼爰於事親之暇延訪耆舊有聞則識之有見則書之幾三十年積成稿本藏之篋衍以待賢大夫采風之錄庚子春利津

岳侯蒞止首以志乘爲汲汲愚不揣蕪陋急呈商榷侯乃

敦聘 學博光州胡君纂定之學博復加采訪悉心參考誤者正之諱者易之遺者補之蕪者刪之不數月用告厥成復以校讐之役見貽愚反覆詳攷不禁嘆曰邑志失修久矣文獻之興衰官師之教養田賦之增減差徭之煩重風俗之美惡民生之利病昔之廢於百年者今皆撮其要

而備載况學博精於考訂無微不信無微不顯可以識大
可以識小美刺昭然洵一邑之信史也亟謀付梓垂之永
久庶幾上足以備輔軒之采擇下足以資士民之觀感云
光緒歲次癸卯三月邑人呂永輝謹識

永城縣志

序

七

重修永城縣志

順治年修志原序

知縣程孔思

予任蕭齋叨陞永邑永之胥吏至者首訛以邑志對以烏有爲之惆悵者久之及驅車蒞止俯仰形勝不覺一往情深時奉憲文慮中原文獻凋謝纂修之檄頒郡邑者將一年所矣予奉檄瞿瞿更中心懌悅爰董厥事聘郡明經賈生開宗纂定之蓋舊志爲邑紳秦君時雍所作版冊散失迄今已九十年其間興者廢者苑者枯者如煙海茫茫不可復識或口耳軼之幸簡帙留之或篇章失之幸耆舊傳之但可擬存卽爲登卷觀茲寥寥其一隅之管靈光哉舊

永城縣志

序

八

分六門地理營建食貨政事人物藝文夫唐虞授時首崇曆象天文不可闕也且郵舍橋梁屬地理名宦屬人物參錯不類遂釐正之爲八曰天文曰建置曰田賦曰典禮曰職官曰人物曰藝文曰災異以意補其遺者而志成昔余爲蕭博士距永僅百里聞其土豐而俗淳然蕭與永雖相距非遙而隔在兩省今躬歷其境田多荒蕪東南之交其壤黑墳湖水蔽天榛荆塞道且夏霖彌月來牟未登秋成漂沒舟行田間會余西謁見婦子保抱攜持者相踵於道聞其自皆曰來自永邑余驚異之回憶在蕭所聞者天壤大爲邑司牧利者興之害者除之然天下利與害恒相倚

伏余以蒞事淺而性介力綿務拮据卒屠以矢此念於未艾庶幾日利之興也乃以蒞事淺而未能遽興也害之去也乃以蒞事淺而未能遽去也載之於志是卽古之春陵行也今之災傷疏也所關於斯地斯民誠匪細也甯第文獻之足徵也哉

原序

李應碧 邑人

永城志旣授梓人而余不佞勉爲序之余惟今日之舉其盛有三自明隆慶間一修邑志至今及九十年此九十年間生斯地者官斯土者未嘗無修之之意往往人與時與事所值相違屢將操觚而復廢遂使九十年永邑之風俗

永城縣志

序

九

人物職官政賦災祥禮樂之屬幾幾湮沒不傳而識者滋懼順治十五年大司馬中丞賈公檄行郡邑各成其書而永之令君陳公程公皆經理未竣相繼以去十七年六月書乃成書成而邑之薦紳學士父老子弟亦擊節嘆息謂廢於百年興於一日者一盛也

朝廷之事史以載之郡邑一方之事載於志以補史書所未盡而其風俗人物職官政賦災祥禮樂皆所以傳天下而信後世得商邱賈君開宗執簡從事志在感發辭有禮要不負賈公之意又一盛也邑之遭治亂沿革數矣明季以還人民凋瘵流風衰歇今有重臣表率於上賢有司奉

行於下光昭文憲人心粹然日趨於正又一盛也噫嘻余
既幸躬逢其盛因述之以示後人俾後之人悉然廢興之
故感發勸勉益知奮興於名教此志之傳不滋重乎至於
志中之經緯曲折各有攸歸讀者能自悉之無庸余之爲
贅也是爲序

原序

胡宗鼎 邑人

紀一代之人著一王之制事該而文簡命曰史紀一國之
風土名物暨是國賢否知名之人以及土物之生出事瑣
而文詳命曰志志猶史也而或從體要或事纖悉或以示
懲勸或以備考稽其旨亦不得而遽同矣雖然班固漢書

永城縣志

序

十

史也而十志名焉後之爲史者因之陳壽紀三國史也而
通名爲志故志猶史也所以傍史而爲之翼者也今

上御宇之十有六年天下大定偃武修文命詞臣開局纂
修前史而節度河南賈公實來百爲震發舊廢俱與凡在
部下旣已克底如法矣悼中原兵燹之餘郡國志書湮沒
殘缺其存而完者又或未得作者之筆條次無紀無以示
後世且非所以承

天子垂注史乘之意也爰檄所屬守令俾各修志書不得
以又具應不得以不任史材者參其役吾邑程公奉檄而
嘆曰吾安得淹通史學者以供厥事乎時則有郡中耆儒

賈君開宗者博物多聞負才名六十年守道不仕遠近之士莫不推服之程公於是嘉詞厚幣求君之里而徵焉從事幾一載而書成程公馳書并志請序於余余報公曰公知今之爲志者乎夫志猶史也而今之所稱良史才者吾感焉如大都名邑山川繡錯天台鴈蕩彭蠡具區之奇動心駭目此其志得山川之助宜其易工而開取其書讀之一望蕭然無所謂天台也鴈蕩也彭蠡具區也此無他山川如故而文采不足以發之也抑有平原曠野人物質實無名勝恢奇以相染綴志宜難工而試取其書讀之如卽乎天台鴈蕩焉如臨乎彭蠡具區焉此無他平原曠野如

永城縣志

序

十一

故而粉澤丹堊徒事增飾以求工其文焉故至此也此與列匹夫於名流之傳寫傀儡之士而以爲侷儻奇偉者何異若是者今之所謂良史才也然而史法日壞去古益遠今觀是志事從乎實物從乎產城郭廡宇觀刹繇役財賦從乎考據無所謂寓言也志怪也芒山匪靈岳之概未始加一石而曰天一柱海三峰也滄水鮮洪流之觀未始增一瀾而曰氣蒸雲夢波撼岳陽也名公巨卿雖不乏人未始誣其事行倍其名氏而曰若者三良也若者四傑也若者七賢八俊也其他不可悉道要之經緯有法出入去來不失乎道務令無失乎古良史遺意焉已矣嗚呼賈君真

良史才哉

康熙年修志原序

郡邑之有志也所以徵文徵獻列政事之得失考人物之臧否稽世代之沿革察習尚之醜滴觀風者延攬而得其概宰治者披圖而識所宜上以備輶軒之採擇下以悉閭巷之隱微所關誠非細也永城縣志明以前無稽已

清定鼎以來至順治戊戌始有侍御李公應魯偕文學賈君開宗輯修之前令程君孔思董其成奉檄於戊戌之春竣事於己亥之冬蓋亦幾經歲時矣其時因遭兵燹之後典籍散失老成淪亡宜乎修輯如彼之艱也迄今三十餘

永城縣志

序

七

年恭逢

聖治昌明德化洋溢土田旣闢於前人文復盛於昔當重熙累洽之後值禮明樂備之時而顧使人文闕然弗章邑乘缺焉不備是有司之過也

大中丞閻公撫莅豫省二載教養備至每念圖治於三十年之後與論治於三十年之前承平與闢創旣不同局修輯與釐定正當其時乃

檄諸郡縣首訪忠孝大節次咨因革便宜蓋惟恐懿行之不彰而大猷之不備也

正紀

忝牧茲土敢不恪共厥職諮

詢維殷以仰副

憲令其舊志中有文詞之舛謬事迹之繁蕪者不得不畧
爲芟正以存前輩典型至於三十年來建置之當因當革
人物之或畧或遺幽貞苦節淹沒不彰而或得於父老之
傳說見於學士大夫之謳吟不憚廣爲蒐羅力爲表著務
使潛德幽光與金石並垂於不朽創制改作與河山鼎峙
而常新庶幾奕世而下覽斯志者有所感發而振起云
康熙三十年辛未孟春上元永城縣知縣周正紀謹序

原序

余丙子春謁選得補太邱令漢賢陳仲弓先生舊治也景
仰前哲幸步後塵遂於孟夏承乏茲土非敢希政通人和

永城縣志

序

十三

惴惴以操刀傷割是懼惟捫心期無愧前修中牟之馴雉
未能羊續之懸魚足矢但徒存冰蘖之操又未足以言吏
治顧民社是寄土壤田賦山川城郭以及人文之秀起民
生之奠麗教養興革察利弊別良窳莫非守土者之責正
惕然於心恍然於職適廣文侯君受前令尹命蒐輯補訂
邑志纂成取而翻閱博稽則有星野輿圖朝常官制校序
壇廟賦役戶口橋梁廨庠土地物產士疇讀法習禮之制
在若先賢名宦忠孝節廉德行文學士表女宗潛德幽光
與夫僊釋方術災祥藝文之事百里之內無不班班足紀
焉余惟欲知千古之事不可不讀史欲知一邑之事不可

不觀志史詳歷代之興衰志備偏隅之始末今撫斯志庶
幾以慰懷來矣有其創始必有續成余備員司牧繼政來
治是邑豈非今日之首務哉捐俸付梓刊載成書昭陽
聖天子德化覃敷諸上臺旬宣至意兼以飭吏治云

康熙三十六年丁丑孟春上浣永城縣知縣耿晉光謹序

康熙縣志目次

教諭侯良弼右臣

稽考舊志成於先朝隆慶年間經兵燹之後版籍無存至
本朝戊戌始奉檄纂於文學賈君開宗之手一時艱於搜
羅止據世家大族所藏墓誌碑記及所聞見者編錄成書
其體雖備而記傳繁蕪真贋濫入議者譏之迨至康熙辛

永城縣志

目次

志

未又三十餘載矣大中丞閻公檄令續修適邑侯周君以
山陽夙學獨任筆削於公餘之暇刪繁就簡可稱特筆但
地理建置田賦人物之屬率因循原本而無所更正傳紀
碑銘大半刪前人之建置而概入其自製不幾湮沒古制
乎是故繕稿上之致駁重訂且云邑志不比家乘王言難
以勝載其他錯落閒亦有之會周侯去官職之者三韓王
君也命予妄董其事予謂今日之邑乘卽異日之史材也
非余鄙所敢勝任辭之不獲乃與一邑之薦紳先生諸庠
士搜探校輯先定其綱次分其目刪繁復絕請託瑣細詳
實者罔敢濫贅惟求取信後世焉

永城縣志目錄

卷首

目錄 凡例 修志姓氏 圖繪

卷一

聖制志 卧碑 諭旨 碑文

卷二

地理志 疆域 山川 溝渠 里鎮 村莊 分野 郵舍

卷三

職官志 縣今年表 丞佐年表

卷四

職官志 教職年表

卷五

建置志 城池 衙署 閭坊 橋梁 廟寺 沿革 義學

卷六

學校志 儒學 書院 義學

卷七

兵防志 叅將 守備 營汛

卷八

度支志 戶口 土田 額征 漕折 起解

永城縣志

目錄

十五

卷九

度支志 攤捐 留支 鹽引 倉穀 雜稅 貢品

卷十

祀典志 上祀 中祀 名宦 鄉賢 忠義 孝友 節孝 羣祀

卷十一

名宦志 漢宋元明及本朝循吏傳 舉人 貢生年表

卷十二

選舉志 徵辟 進士 舉人 貢生 生監 物產

卷十三

俗產志 風俗 物產

卷十四

古蹟志 巖洞 園林 塋墓 金石 第宅

卷十五

災異志 歷代災祥 周漢名賢列傳

卷十六

人物志 唐宋仕蹟

卷十七

人物志 明仕蹟

卷十八

人物志 明仕蹟

卷十九 人物志 明仕蹟

卷二十 人物志 本朝仕蹟

卷二十一 人物志 孝友

卷二十二 人物志 義行

卷二十三 人物志 文苑

卷二十四 人物志 武功 武科 鄉飲 封贈 鷹襲 耆壽

卷二十五 人物志 隱逸 仙異 寓賢

卷二十六 人物志 忠義

卷二十七 人物志 死難

卷二十八 列女志 后妃 孝婦

永城縣志

目錄

卷二十九 列女志 節婦

卷三十 列女志 節婦

卷三十一 列女志 烈婦

卷三十二 列女志 孝女 名媛 烈女 貞女

卷三十三 詞章志 壽婦 碑記

卷三十四 詞章志 序傳

卷三十五 詞章志 祭文 墓誌 賦贊

卷三十六 詞章志 詩 著述 書院存書目錄

卷三十七 叛逆志

卷三十八 雜識志